

PROTOCOLO DE COOPERACIÓN ENTRE A COMUNIDADE DE TRABALLO GALICIA-NORTE DE PORTUGAL, CECOTRAN, CEP E AEP

Porto, 31 de xaneiro de 2011

COMPARECEN

Por unha parte, os Excmos. Srs. D. Alberto Núñez Feijóo, presidente da Xunta de Galicia e D. Carlos Cardoso Lage, presidente da Comissão de Coordenação da Região Norte de Portugal, en representación da Comunidade de Traballo Galicia-Norte de Portugal (en adiante COMUNIDADE DE TRABALLO).

Por outra banda ó Sr. D. José Manuel Fernández Alvariño, presidente da Confederación de Empresarios de Pontevedra (en adiante CEP), en representación do Centro de Cooperación Empresarial Transfronteirizo (CECOTRAN).

E, finalmente, ó Sr. D. José António Barros, presidente da Associaçāo de Empresarios de Portugal (en adiante AEP), en representación da mesma.

Intervindo consonte coas atribucións que pola súa normativa teñen encomendadas e que se recoñecen polos títulos que lexitimamente ostentan, en virtude das súas correspondentes competencias, exercendo os seus cargos e responsabilidades con xeral coñecemento e sen restricción ou limitación manifestas.

E, en consecuencia, recoñecéndose todas as partes intervintes a súa plena lexitimación, capacidade e representación,

EXPOÑEN

1º.- A **Comunidade de Traballo Galicia-Norte de Portugal**, constituída o 31 de outubro de 1991 entre a Xunta de Galicia e a Comisión de Coordinación da Rexión Norte de Portugal, é unha Institución que ten como finalidade favorecer unha dinámica de xuntanzas regulares entre Galicia e o Norte de Portugal para tratar asuntos de interese común no eido da cooperación transfronteiriza, formular propostas de cooperación entre as entidades que a integran, preparar estudios, plans, programas e proxectos nos que se concerten actividades conxuntas; promover formas de relación entre estruturas, axentes e entidades públicas e privadas interesadas, que poidan contribuír ao desenvolvemento da Eurorrexión Galicia-Norte de Portugal, ofrecéndolle un marco permanente de encontro e colaboración; impulsar a creación de organismos de cooperación transfronteiriza e, no seu caso, establecer mecanismos de cooperación entre éstes e a Comunidade de Traballo.

2º.- **CECOTRAN** nace no ano 1.998, promovido pola CEP, a partir da firma dun Convenio de Colaboración entre organizacións empresariais de Galicia e Norte de Portugal, que permite presentar unha candidatura conjunta para o seu desenvolvemento a INTERREG III-A.

Actualmente, é contando coa colaboración de distintas entidades, entre as que se atopan o Instituto Galego de Promoción Económica ou Novacaixagalicia, é un centro de prestación de servizos comúns para as PEMES da Eurorrexión, especialmente dirixido os sectores económicos más dinámicos de ambalas beiras da fronteira.

O seu obxectivo fundamental é mellorar o potencial competitivo da Eurorrexión a partir do fortalecemento de determinados sectores empresariais compartidos, aqueles con maior capacidade para producir un efecto de arrastre sobre os demás, e que o mesmo tempo están en condicións de xerar emprego sobre bases de crecemento (non suxeito a debilidades estruturais frente a situacions coxunturais ou cíclicas adversas).

Dende o punto de vista estratégico se definen 8 líneas básicas de intervención:

1. A profesionalización das decisións empresariais.
2. A apertura de mercados exteriores.

3. A atracción de inversíons extranxeiras.
4. A innovación tecnolóxica.
5. O aproveitamento intensivo das TIC's (máis alá da mecanización dos procesos administrativos).
6. O fomento da competencia na propia Eurorrexión.
7. A promoción de acordos concretos de cooperación entre PEMES (ir más alá da simple colaboración sectorial, e chegar a desenrolar oportunidades de negocio).
8. A xeración de información e as ferramentas que sustentarán boa parte da actividade do CENTRO (estudos, guías, documentos, redes de información e cooperación, transferencia, etc.).

3º.- AEP e CEP estiveron a desenvolver, nos últimos anos, unha intensa labor de colaboración: promovendo proxectos no marco do Programa de Cooperación Transfronteiriza España Portugal (POCTEP), seminarios, congresos, encontros empresariais, participación conjunta en feiras...., estudos e análise de conjuntura.

Por outra banda, conscientes do importante papel que as Pequenas e Medianas Empresas representan no contexto transfronteirizo, pretenden seguir estimulando as PEMEs en conceptos como a Innovación, a Internacionalización, a Transferencia Tecnolóxica, a Formación

especializada, a procura dunha identidade común en ámbitos como o turismo ou a coordinación na creación de infraestruturas.

O pasado 19 de novembro de 2010 asinábase entre AEP e CEP, no marco do Acordo para o impulso da Cooperación Empresarial de Segunda Xeración, un novo convenio co que se trata de "dar un paso máis" nas relacións entre organizacións empresariais, no que as partes crearon unha Comisión Mixta de Traballo para a posta en funcionamento dun Centro Permanente de Cooperación Empresarial Transfronteirizo que permita prestar servizos conxuntos, mellorando a eficacia da actuación das propias organizacións, que redunde, á súa vez, nunha mellora da competitividade empresarial.

A **Comunidade de Traballo Galicia-Norte de Portugal**, como institución aglutinadora de dinámicas de ámbito rexional, adica unha especial atención ás seguintes materias: desenvolvemento económico e social; transportes e comunicacións; agricultura, medio ambiente, recursos naturais e ordenación do territorio; pesca; sanidade e asuntos sociais; desenvolvemento local; administración rexional e local; educación, formación e emprego; investigación científica e universidades; cultura, patrimonio e turismo.

CECOTRAN, CEP e AEP, pola súa parte, diseñaron mecanismos de actuación que potencian o desenvolvemento de accións comúns no ámbito empresarial entre Galicia e Portugal, tendendo, fundamentalmente, á profesionalización das decisións empresariais, a apertura a mercados exteriores, a atracción de investimentos e a innovación tecnolóxica, o aproveitamento intensivo das TIC's, o fomento da competencia na propia Eurorexión, a promoción de acordos concretos de cooperación entre empresas, desenvolvendo oportunidades de negocio.

Considerando que o proceso de construcción comunitaria, a partir da entrada en vigor do Tratado da Unión Europea, aumenta a necesidade urgente de concertar medidas que sustenten unha maior integración a tódolos niveis, non só no que atinxe á unificación dos mercados;

Considerando que os efectos desa integración europea se traducen en impactos económicos e sociais que teñen un carácter más acentuado en Galicia e no Norte de Portugal debido á súa condición periférica e fronteiriza;

Considerando que, tanto a Comunidade de Traballo Galicia-Norte de Portugal como CECOTRAN, CEP e AEP, perseguen obxectivos compatibles e complementarios, cada un deles no seu respectivo ámbito de actuación, como é o de contribuír ó fomento de iniciativas que fortalezan o

desenvolvemento socioeconómico do contorno transfronteirizo, conveñen en articular unha nova liña de colaboración en base as seguintes,

ESTIPULACIÓNS

Primeira.- CECOTRAN, CEP e AEP darán os pasos e tomarán os acordos oportunos para buscar a súa integración na Comunidade de Traballo.

Segunda.- A Comunidade de Traballo cooperará con CECOTRAN e cas organizacións empresariais asinantes no relativo ós temas que afecten á mellora da competitividade, polo que promoverá, a petición dalgunha das partes, reunións convxuntas.

Terceira.- A Comunidade de Traballo poderá asistir ás reunións de CECOTRAN, previa invitación, en calidade de observadora.

Cuarta.- CECOTRAN, CEP e AEP poderán presentar proxectos de actuación convxunta e a Comunidade de Traballo comprométese a analizalos e apoialos no caso de que a execución dos mesmos redunde en beneficio para os obxectivos indicados.

Quinta.- Para o eficaz desenvolvemento e execución deste protocolo, corresponderá ós Coordinadores Xerais da Comunidade de Traballo e ós

representantes da CEP e AEP acometer todo o proceso necesario para a súa instrumentación de acordo cos seus propios Estatutos.

Sexta.- No prazo máximo de seis meses, de acordo co disposto na cláusula primeira e anterior, AEP e CEP a través de CECOTRAN, deseñarán e proporán un plan de traballo, que permita acadar os obxectivos enumerados.

En proba de conformidade con canto quedou exposto, firman o presente documento en dous orixinais, galego e portugés, que fan igualmente fe, no lugar e data indicados no seu encabezamento.

Pola COMUNIDADE DE TRABALLO,

Exmo.Sr. Alberto Núñez Feijóo

Exmo. Sr. Carlos Cardoso Lage

Polo CECOTRAN e CEP,

Sr.D. José M. Fernández Alvariño

Pola AEP,

Sr. D. José António Barros